

蚓竅集



蚓
竅
集

四部叢刊三編集部

上海涵芬樓景印北
平圖書館藏明永樂
刊本原書板匡高二
十公分寬十三公分

第四部叢刊三編

蚓竅集

(85328)

中華民國二十五年三月初版

本書實價是國幣壹元伍分

外埠酌加運費匯費

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

蚓竅集序



雲間管公字時敏竹間其別號也公蚤
歲讀書三泖之上鍾山水之秀為文儒
嘗師事庶夫楊先生執經座下為高弟
故其心術之正學問之博文章德行之精
醇用於
文明盛世而功名事業炳乎其有耀也
壯年時仕為

楚府紀善扈從來武昌邂逅旅邸一見

知為佳士讀其詩風格高古一可追
古之作者其五言樂府有漢魏體五七
言律詩多出盛唐春容雅澹辭之黃
鍾大呂之音孰不為之洗耳者乎別去
二十年余忝膺

教命來是邦復得朝夕見讀公篇什愈
老愈健尤見筆力所至而制製作之富倍
於昔時如碧海冲融天光萬頃汪洋莫
能窺其涯涘如華峰千仞翠屏倚空

莫能陟其層顛如清廟之瑟朱弦疏越
一倡三歎有遺音何其快人意歟僕以
衰邁之年得聞治世之音啓余多矣
公晚年由紀善陞秩長史其忠誠愛

君之心一於詩歌費之而學問德業其所從
來者遠矣集中詩凡數百篇嘗名其
集曰蚓竅蓋取韓子石鼎聯句之語
而名之也以余觀之公之作鏗錡炳耀流
出肺肝鍾山水之秀而鳴治世之音

是奚足以名其集歟以是名其集者公
之謙德也辱不鄙徵言序其篇首諷
詠再三不能自已於是乎書

洪武三十一年正月

楚府教授廬陵吳勤序

全菴記

前浙江按察僉事安成周子治撰

中書舍人廣平程南雲篆

中書舍人姚江柴蘭書

記曰父母全而生之子全而歸之可謂
孝矣至若全其所受於天者以為德焉
固天民之秀出者歟奉政大夫

楚府左長史致政管公命其菴居曰全者

其有得於斯矣公字時敏松江華亭人
幼而穎異九歲能詩父母所鍾愛比壯
儀觀偉然定省之暇即研精竹素授詩
於敬思劉先生習其舉業學古文於廉
夫楊先生且作樓曰宜遠延納執友資
其藻礪若袁景文鄭本初鍾伯紀倪元
鎮錢思復錢慶餘皆其人也當元之季
閉門講授其志固有存矣

國朝洪武六年以六科取士郡守廉潤以公

應

令至則以外艱免九年徵拜

楚王府紀善出入

禁邸者五年寅畏小心未始有過

上有事郊廟太常輒承

誓命俾從豆籩之執十有四年從

主君之國恭謹疆力事不避難自紀述謨

載以至出內命令必盡乃心寅入酉出
雖祁寒暑雨未嘗暫還私第每朝進見
退食之餘坐直廬中綜覈一切倦即倚壁
假寐少選復然二十餘年常若一日

主君察而器之三十二年會左長史缺
奏以屬公既陟元僚總理庶務益得展其
素蘊乃鞠躬盡瘁求所以報

恩寵而咨知遇者無或弗至蓋知無弗言

言必當理事無苟從必由於義歸美
君上而未嘗有自矜之色故

主君亦推心聽納國以善治作式藩屏人
寡過焉在職十年公亦年登七十乞致
其事以歸田里

主君閔其勞劾居多不忍其去已親製詩
一章以道其意命王世子特書忠勤良
佐四大字以褒之命諸郡王咸賦詩以

美之命右長史粹中會稽胡公作忠勤
良佐之傳合為臣軸以賜賚予無算且
請命於

上留置本國祿之終身歲中宴饗接以賓禮
風晨月夕引見不時遣賜珍饌繼踵於
庭公雖耆艾視聽不衰容色晬然不忘
啓沃

主君愈親重之退而深惟曰吾待罪陪輔

幾四十年得全四體以從先臣皆

主君之賜吾沒世不能忘也乃十於郡城
之東不二舍而遠曰黃屯山者以為息
焉之所且築菴其側命之曰全而屬子
治以記其篤於

君臣之義而通夫晝夜之道者如此初公
年及知命未有息子

主君為之悒然及從討蠻寇於銅鼓用公

之畫悉破斬之諸將以四鄉隣於寇壤
欲殄其衆公進言曰是雖荒裔亦人類
也柰何草薶而禽獮之

主君深以為然咸得不死護衛指揮使蔡
春退而嘆曰公以一言活數萬人之命
其必有後矣越數年果獲懸弧之慶

主君聞之大喜錫名延枝教育於宮中洎
抵于成室以咸晷永樂十四年

奏爲伴讀於是父子咸有祿食吉月而朝
父先子後榮遇無比而克退讓以濟美
焉蓋人之大倫有五克盡其道於一二
者猶鮮今公悅親以信於友得

君以達其道昆弟無故夫婦偕老而有令
子以繼其志其德於天而具已者厚矣

皇極所謂嚮用五福者公尚有焉惟公
眠食加愛以保期頤使大夫國人皆有

所矜式固

王君之至意亦士林之所深願也子治不
佞內交於公也後而於令子有忘年之
契庸拜手次其所聞見者為之記若夫
公所自著曰蚓竅集秋香百詠還鄉紀
行者已並行於當世云

主父大夫士對第出無九而及聖教心術美
奏為中鼓堂長不十為百新會吉月而陳

蚓竅集序

唐人有言文章實小技於道未為尊此非知
言者也夫道之顯者謂之文故道以文而傳
而文所以為載道之器也道不違乎人人之
為文而違乎道豈足以言文哉况乎聲音之
道與政通於其清濁高下疾徐促緩而道之
升降政之美惡俗之隆污係焉蓋審音足以
知政聞樂足以知德

皇明受

天命一海內光岳之氣渾融純全灑灑噩噩之文

風澗乎其音播之宇宙時則

楚有舊學之臣曰雲間管公時敏輔翼庄贊開
陳啓沃凡二十五年而

賢王仁厚明恕寅畏恭儉之德聞於天下公自
紀善超左長史屬余來備負陪位得日聆其
緒言餘論間出示所自作詩一編古製近體
通若干首春容乎其意度鏗匊乎其節奏追
琢乎其文章其言麗以則其思深以遠其義
葩而正溫柔敦厚不迫不切方諸古人亦未
多讓顧自謙曰蚓竅集夫古之人脩於身者

不必施於政事施於政矣無待見於言語然
德之發於口者為言蓋和順積中而英華發
外自有不容己者公立身行事實踐其言故
發為文辭和平中正其可傳於來世也較然
矣而公之所可以垂不朽者則不在是也

賢王侈公之德欲壽其傳命刻諸板余不敏僭
序其朔云

永樂元年歲次癸未春三月望日奉議大夫

楚府右長史山陰胡粹中序



蚓竅集卷一

一不八五味登... 雲間管時敏撰

雲間管時敏撰

西域丁鶴年評

四言古詩

素堂

湘水之涘衡山之陽有美一人於焉構堂維棟維桷
匪雕匪斲不尚其華爰復其朴堂之翼翼人之諄諄
匪謀自適爰以養親于時興止于時甘旨朝夕弗違
惟親之喜委順在天窮達是宜居易而行心毋外馳
奢則蠱情儉以養德用戒後昆服之無斃

來德堂為中都國學分教林敬伯賦

木之有本其幹乃強水之有源其流乃長吉士好脩
德日以茂德為本源克昌厥後猗歟林氏奕奕名門
維祖維禰曰子曰孫匪德之來昌裕其昆斯堂翼翼
以示將來保而勿射維德是積我言爾銘于堂之壁

素堂

四 昆陵薛泓自號淵泉求銘其室

五行在天惟一生水水之有本原原于始濬之斯止
孰曰匪淵道之斯達孰曰匪泉盈科後進弗停一息
維靜維深取本乃立弗澄則濁罔覩山嶽弗撓則清



毫髮乃明撓之澄之清濁辨焉匪水若茲惟人亦然
心而弗澄百欲是興身而弗撓一私靡擾昔在聖賢
觀厥川海以近取譬道無不在允爾泓父逝者若斯
我告爾銘永言服之

					<p>其言而論本言耶之</p>	<p>其言而論本言耶之</p>	<p>其言而論本言耶之</p>	<p>其言而論本言耶之</p>
--	--	--	--	--	-----------------	-----------------	-----------------	-----------------



蚓竅集卷二

雲間管時敏撰

西域丁鶴年評

五言古詩

白馬篇



白馬行且嘶玉勒錦障泥揚鞭羽林郎宿衛通金閨
一朝赴邊急轉戰玉關西長戈揮白日高旌卷彩霓
驅山填火井累石起雲梯烽舉星芒亂弓開月影低
分符降赤勒飛箭定吽黎功許韓彭並名與衛霍齊
主恩諒可報國難詎難擠孰甘局鄉邑門巷閉蒿藜

遠遊篇

御風日萬里。逍遙登遠遊。竦身青冥表。瞬息四顧周。
目力隘八極。壯志局九州。泰山小封垤。滄海渺浮漚。
俯視瀕洞間。萬彙等蜉蝣。浩歌挾洪崖。長嘯訪浮丘。
迴颯欵閭闔。謁帝十二樓。酌我紫霞觴。遺我青鳳裘。
授以長生訣。塵劫三千秋。從茲謝流俗。大塊同悠悠。

評曰

飄飄然有
輕舉之意

少小從行伍二首

少小從行伍。而今作飲徒。博錢尋劇孟。買劍問風胡。
結伴軍中戲。嗔人醉後扶。黃金三萬鎰。誓娶陸家姑。

少小從行伍，千金辦武裝。日騎官廐馬，夜宿酒家娼。
知己寧論死，臨危肯畏強。蠻夷知姓字，不敢犯封疆。

評曰

任俠之狀
儼在目前

銅爵妓

銅爵高臺上，西陵古墓邊。君恩徒自重，妾貌竟誰憐。
羞掩歌時扇，愁登舞後筵。惟餘漳浦月，三五夜空圓。

二隱圖

溪上放舟迴，山中負薪暇。一笑偶相逢，於焉遂清話。
寧知有秦晉，况復論王霸。回首總忘機，青山夕陽下。

評曰

題二隱圖者多矣，無若此詩如親
與二隱接談者，結句尤為脫灑。

星夕

牛渚清且淺，鵲橋西復東。
黃姑仙駕動，天女錦機空。
別淚零清露，離魂慘驚風。
如何一水隔，一會一匆匆。
監生王廷采分教中都國學植槐于庭扁曰槐

軒求題

虛星孕良木，植彼文苑中。
教雨既沾溉，枝葉何青葱。
常刑庶無犯，守護克有終。
歲久已云茂，鬱然若雲從。
諸生儼成列，弦誦怡清風。
伊人抱良材，樹德匪爾同。
當知進修者，亦由滋培功。

秋夜

不寐耿長夜攬衣徒歎歎陰蟲吟近砌涼颯動踈幃
素抱殊未釋清懽念多違豈惟南飛鵲茲夕無所依

寫懷

朝迴憇公館殘陽坐來暝踈雨過高林華月出東嶺
流光晨復晡朱顏豈吾永故園歸何時悠然發深省
病後喜雨謝同寅紀善貝季翔見過

夜月忽離畢今晨雨滂沱秋聲落庭樹水氣沒池荷
豈云三伏中感此涼意多神清體自適頓然釋煩痾
明當謁公館仰謝數經過

曉起

直館曉晴初官清遠塵俗怡然對簡編庶矣忘榮辱
遙峰擁歸雲高城澹微旭落盡凍青花江南雨新足

評曰

秋夜至此四詩
有選人風致

聽松樓為國學林敬伯賦

涼飈度中林長松發清響震蕩出巖巒蕭騷納天壤
初疑繁絃作復訝驚濤上倏爾若崩奔悠然亦平廣
大音本無聲至理奚有象復動陽始生始靜陰已往
達人居高明會茲適真養心靜聽轉聰慮屏神逾爽
豈彼塵市間啾啾局塵坱好招陶隱居山中一清賞
和陸伴讀闔過梅根

江行愜素懷，遐覽匪遊冶。開蓬望九華，隱隱白雲下。
素波明遠川，青天入平野。烟樹澹欲無，風泉斷還瀉。
日知漢陂舟，差勝習池馬。斯遊樂未央，我輩胡為者。

評曰

辭嚴
意新

過蕪湖望天門山

揚帆下蕪湖，梁山在吾目。大江從西來，天門勢如束。
川日波上明，野樹烟中綠。良朋有佳製，每媿貂難續。
顧茲欲忘言，何以懈心曲。

和吳教授晚泊大信阻風

樓船溯流上高帆，阻長風大江浩無際。一氣何鴻濛。

回望天門山，峩峩相長雄。洪濤走其下，屹立西與東。
不有浮海歎，豈無濟川功。大鵬度冥廓，斥鷃守卑隳。
物理固有定，世事徒匆匆。張燈啓華筵，一笑杯酒中。

評曰
辭氣雄渾
襟懷曠達

上慈母磯

危石立江中，揚帆泝流上。朝迴慈母磯，木落和尚港。
野闊風景明，秋淨天宇廣。西望淮山青，持杯愜吾賞。

蚓竅集卷三

雲間管時敏撰

西域丁鶴年評

五言律詩

遊寶林寺

金碧絢樓臺，禪關向此開。
水分雙澗出，雲擁萬峰來。
古佛遺香火，殘僧話劫灰。
黃塵吾老矣，何幸一徘徊。

獨坐

獨坐茅堂上，長吟不下牀。
亂書堆几席，踈雨過陂塘。
野燕衝簾入，汀花度水香。
應須存晚計，次第學耕桑。

荅友人雨中見寄

雨聲連曉夕，牢落閉幽扉。
屋漏頻移榻，江寒更覓衣。
野鳥飢自下水，鳥濕還飛爾。
亦忘機者終同理釣磯。

過田家

偶過吳家墅，殘陽半掩扉。
遠汀低樹密，小徑禰花稀。
新酒浮菡萏，鮮鱗墜釣肥。
年來任踈懶，一醉即忘歸。

郊居二首

移家雖偏側，只此足幽居。
茅屋三間小，春田廿畝餘。
人來論稼穡，自學把犁鋤。
東舍催租急，烹雞酌小胥。
春城俯平野，草色靜柴門。
魚蟹舟中市，桑麻屋後村。

遣兒招社飲為客置盤飧老計能如此陶然付一尊

評曰

獨坐詩至此共五首以恬澹心造清淳語是能安其所遇無慕乎其外者故

贈洪山龍門海禪師侍者真淨

祝髮名真淨從今淨已真誦經當作佛持律定過人
江月空中夜山花物外春龍門多寶藏種種是奇珍
送宗師還玉泉寺

省師何處去古寺玉泉清山笠披雲過江船趁月行
拈香叅祖塔乞食到玉城此去傳心印應知道可成

和季翔夢與海禪師看牡丹之作

師時以事京裁松

道者栽松去何因看牡丹相思春獨苦孤夢夜初殘

子已空中見師應定裏觀歸時當記取饒舌問曹干

其二

太息東巖叟艱危命若絲當知成佛日還有受魔時
短髮蕭蕭落孤心耿耿持可堪江樹晚千里動遐思

夢遊洪山寺

不到東巖閣重來又一年無緣能離俗有夢只棲禪
客坐茶香裏僧行竹影邊夕陽天未晚幽思滿歸鞦

從征古州蠻迴途紀驛二十三首

晨發渠陽郡歸心一惘然離家今五月為客已中年
暮雨行人裏春泥去馬前洪江明日到沽酒上官船

右發靖州

行行過若水古驛在江臯自是登舟險終無策馬勞
山雲會宿雨灘石漏奔濤此地如能隱塵煩或我逃

右洪江

夜過安江驛停舟不敢行亂山藏月色暗石鼓灘聲
千里從軍事中宵感客情不眠聊伏枕天白更孤征

右安江

早行今幾里又說次潼安古驛烟中入前山雨裏看
江迴逢斷湫水落見危灘濁酒雖非嗜聊持破曉寒

右潼安

江口何年驛過逢，欲雨天居人張夜火使客換春船。
雲起崇山外，江通淑浦前。鷓鴣灘已過，今夕解衣眠。

右江口

歸舟春水疾，舉棹即辰溪。岸轉山疑動，江分路欲迷。
乾坤千里客，風雨五更雞。自愧如萍跡，飄飄未定棲。

右辰溪

武陵溪上驛，回紀武陵名。樹列千旗勢，江喧萬鼓聲。
生苗今向化，落草久無兵。好載桐槽酒，沿山看晚晴。

右武溪

王程不敢緩，四日下辰陽。古木將軍廟，春波使者航。

城依山勢險江納雨聲長莫上觀瀾閣傷心在異鄉

右怡溶

今日行茲驛如何是北溶雲濤千數里烟樹萬餘重
江黑留春棹林虛動夜舂驛官應被酒出迓甚踈慵

右北溶

天設非常險舟航豈易過大風掀逆浪暗石起盤渦
行路難如此垂堂意若何榜人殊可恠不住唱蠻歌

右清浪

歷險過高都都前景色殊江迴千石盡岸斷一山孤
自昔無危道于今即坦途宵征從此去舟子亦懽呼

右高都

勝地古旄川尋真亦偶然
今來江上客未遇洞中仙
碧樹收新雨青山暮遠烟
不知何處路迷却釣魚船

右綠蘿

大鎮開戎衛雄城雉堞連
仙人曾鑄鼎

帝子復停船夜雨燒燈後
春雷起蟄前邊隅今已靖
佇聽凱歌旋

右府河

江上龍陽縣遙遙百里程
青山雲外小白鳥雨邊明
臘酒沽應熟春薑種已生
驛人能雅致高閣榜臨清

右河池

擾擾天涯客悠悠武口船年光雙鬢裏春事百花前
浮世身如寄還家夢屢牽明朝過湖去風熟片帆懸

右武口

已逐南遊興歸帆過洞庭浪花風裏白汀草雨中青
一點塵無染千杯酒亦醒好將江叟笛吹與老蛟聽

右明山

洞庭八百里勢與兩湖通日月蒼茫際乾坤混沌中
青山僧寺雨白浪客帆風浩蕩論胸次

王師小戰功

右城陵

養鴨人何在猶傳養鴨闌野烟青草晚江雨綠波寒
表驛名因勝充庖味可餐茲禽應解語豈敢學彈丸

右鴨闌

曹公兵敗處今識在嘉魚赤壁三分後烏林百戰餘
橋浮春渡闊舟泊夜江虛千古英雄事悲涼太史書

右石頭口

桃花江上驛春水賣新魚滿尺銀堪比千鱗錦不如
因歌悲客裏每食感王餘評曰形容至此不惟出奇
可謂一飯不忘君矣

江海親朋少誰傳一紙書

右魚山

武昌歸已近今日過簾洲沙泊春迴鴈江喧晚浴鷗
白荅梅欲盡青葉柳初柔鶴駕來天上新晴憫遠遊

右簾洲

街命來金口郵籤報驛程好風行十日殘月上三更
商舶停初穩漁燈照更明同袍一尊酒珍重遠相迎

右金口

江驛行初盡今晨到武昌宦情如昨日春色是他鄉
烏鵲知人喜駑駘怯路長家童應念我戴月候舟傍

右夏口

評曰

從征詩廿三首各因其山川險易景明晦首首不同是得紀行之法綠蘿河池明山三聯皆有聲之畫

江行二首

夜度繁昌夾雲帆萬斛船岬燈疎樹裏江笛晚風前
水急潮迴渚江空月在川年年來復往華髮漸盈顛
行行幾百里又過十三磯宿鴈逢沙落驚鳧帶水飛
山寒花寂寞江晚樹依稀自笑無家客他鄉亦當歸

病足二首

移榻西軒下愴然意自清焚香終日坐好鳥隔牕鳴
文墨容疎懶賓朋失送迎自慙猶祿仕那得此身輕
老為身多累官因病暫閑春餘啼鳥裏興盡落花間

莫遣詩排悶聊憑酒破顏
開牕看晴色一片白雲還
齋居直館

直館齋居夜心無一慮
紫茶烟籠燭暗花月進窓明
老去頭雖白官閒夢亦清
明朝當署祝早起候宮城

評曰

敬謹之心
不違寧處

送僧景怡住持黃梅四祖寺

杖錫雙峰去登登向白雲
焚香禮祖罷說法與僧聞
蘿幌清風入松門碧靄分
若無行脚念終老遠塵氛
丁丑仲春聞兄勉翁曰門
役從軍不知戎所有

憂而作

書劄望平安那知報急難宦途嗟我隔親塚念誰看
烟瘴南州熱風沙北地寒鵲鴿原上淚雙袖幾時乾

評曰

友于之愛急難之憂流出肺腑

贈僧龍翼雲

形迹無拘礙飛行遍九垓騰空那假錫度海不須杯
花落千峰雨松喧萬壑雷老人應聽法一日幾多迴

評曰

與諸僧詩用其本色語作我佳麗句是化乳酪為醍醐也

雲谷為武昌奚瑄賦

空谷幽人意閒雲靜者心石圍卷下奕泉苔竹間琴
鶴影蒼巖遠雞聲碧樹深雖云住城市何異在山林

侍宴

封內春祠罷宮中昨宴開席後廊署設樂自殿庭來
中使巡筵過千官被酒迴樂邦瞻盛事紀述愧無才
次季翔韻送陳僉衛琰征大庸蠻

將軍名將種承

詔討南蠻虜命危如卵兵威重若山斬酋花石下焚
寨柿溪間一月聞三捷長歌奏凱還

題蔡用強石城山房

絕境羣峰合幽居一徑分巖花和雨落林鳥隔雲聞
門熟呼猿果書香辟蠹芸不因徵召起終是遠人群

題脩江向自誠靜樂軒

深巷無車馬，衡門盡日扃。
古苔迷曲砌，春草滿閒庭。
雨笠嫵蘇戴，風瓢厭許聽。
香消清晝永，自閱太玄經。

觀孔雀朝

竒鳥當晴午，團團展羽衣。
翠分雙扇舉，金擁一屏圍。
綵鳳宜偕舞，文翬敢並飛。
東園非有召，何幸覩

恩輝

過烏沙夾荅諸僚友二首

曉過烏沙夾，秋風萬斛舟。
青天雲際鴈，白浪水中鷗。
兄弟皆良會，江山足勝遊。
行行紅日近，佳氣靄

皇州

黃石磯頭酒烏沙夾口舟暮雲隨遠鵠秋水泛輕鷗
賦詠陪前輩經過念昔遊風帆能借便只尺是
神州

入都門

下馬入都門熙熙景色溫水朝滄海闊星拱紫宸尊
麟鳳千官集熊羆百將屯鳴臚早通籍稽首謝
君恩

早朝

宮城猶下漏禁鼓已催班初日明三殿清風肅九關

臚傳仙仗裏香裊御爐間幸際隆平日承
恩拜
聖顏

出都門

天上還家日沙邊解纜時亂山含宿翠飛鳥戲晴絲
野眺偏宜遠江行不厭遲正期遊汗漫何幸值雍熙
發新河次韻

自忝王門祿頻年此地過秋風迴遠道暮雨宿新河
白浪鷗邊小青山鴈外多客杯相慰藉一酌總恩波
迴從經陽邏

陽邏行將近淘金過淺灘草痕秋更碧江氣晚逾寒

世情尤拙還家跡，易安客愁雖似海，未敵酒杯乾。
舟中寫示蕭雷二伴讀

拜秩辭京國，揚帆放使舟。微茫烟外樹，浩蕩雨中鷗。
詩美青山對，杯空采石謀。應將柁樓興，一望楚天秋。

過采石

水急灘難上行行，欲曙天人家多賣酒客路暫停船。
采石荒祠下，黃山古塔邊。經過人易老，搔首一茫然。

曉發雷港

月暗投寒港，天明發曉途。鷺應尋宿侶，鷹已誤更奴。
霞暎汭汀暮，霜枯倚岫蘆。彭郎磯尚遠，隱隱一山孤。

小孤山

一柱千尋直孤根萬丈深雲間盤翠髻天外墮瑤簪
東下潮聲斷西來水勢臨古祠詩滿壁過者若為吟

和吳教授夜飲二首

短鬢燈前白衰顏酒後紅光陰百年內談笑幾迴同
禮樂雍熙日衣冠揖讓風吾儕逢盛際何得在高蓬
出水鱸魚白經霜柿實紅一杯今夕會四座故人同
佳句多新意清談有古風勸酬須盡量不必問飄蓬

曉發涇江

月黑天難曙涇江曉發遲艣聲和雨合帆意待風吹

小酌杯仍醉，真搜句頗奇。
黃花如有約，開及到家時。

次陸伴讀風雨舟中

客路三秋雨，江帆萬里船。
驚鷗離急浪，去鳥沒荒烟。
白日長歌裏，青山薄醉前。
新詩雖寡和，緩筆待重編。

次韻過散花洲

赤壁軍回處，曾於此散花。
蒼跼魚驚過，艣落鳥立行。
槎山遠雲連，樹江清水見。
沙風帆今日，便應送早還家。

送程彥明歸揚州分韻得愁字

離人江上發，歸思滿芳洲。
客路烟中樹，春帆雨外舟。
青山千里別，白首十年遊。
應有瓊花詠，還將慙遠愁。

題長史胡去華畫竹

阿翁能愛竹又與竹傳神萬戶不須等一枝尤可人
渭川烟外晚湘水雨餘春終日宜相對應忘徑造頻

寓菴

身世寧非寄浮生任所如心惟無滯礙跡故得安舒
孔席何曾暖莊舟本自虛百年霄壤內豈異一籬廬

蚓竅集卷四

雲間管時敏撰

西域丁鶴年評

五言長律

洪武丙子三月三日千秋節

芳年臨上巳今節慶

千春曆紀天開子杓迴月建辰四城佳氣合三殿曙
光新禁鑰通關早宮壺轉漏頻駕從星戶入樂向露
臺陳中使催班急西駒立仗馴燭樓晴吐日香几暖
霏塵柳色籠雕輦蘭薰靄繡茵虎豹雄武弁鷓鴣肅

朝紳王室分封盛宗藩展禮親南山齊獻壽四境共
稱仁勝事宜修述才踈愧小臣

分題得三槐亭送鳳陽知府李文為弟極利還

鄉

鳳翥群山秀龍飛此地靈昔人曾種樹今日尚名亭
密葉生仍細疎花落更馨音聲來靜夜精魄享虛星
雨入霏琴薦雲屯黠硯屏秋陰連古市涼吹進空囹
舊應三公宅今看五馬停麟符榮不忝燕寢夢俄醒
郡事非螻蟻原情在鵲鳩從容辭組綬蕭散向林扃
縹軸詩成什銀罌酒滿經歸裝勤去僕離曲廡歌伶

戀關心應赤還家鬢尚青
民今思召政誰復犯齊刑
郡乘歌宜載朝紳議可聽
老夫將直筆為著去思銘

送武昌太守王德芳入覲

今代論多士如公復幾人
風姿珠樹皎文采鳳毛新
禮樂名家子衣冠上國賓
撫綏民若子發擿吏如神
按牘從今簡閭閻復古淳
儒宮儲萬卷市肆集千緡
黍稌村村雨桑麻處處春
賢聲清有跡善政美無倫
客願依劉表人思借寇恂
歌謠登郡乘論議動朝紳
遠過龍河上終歸鳳沼濱

天顏恒眷顧國政每諮詢
何幸遭逢盛應知屬望頻

行當調鼎鼎特為展經綸

題右長史富春胡去華乃父清之處士墓誌銘

後處士為里人誣訐于京而卒
賜金還鄉以葬

傷哉胡處士西淞舊知名卓行超前輩高風起後生
白雲營別墅華表卜佳城剩有林泉樂渾無寵辱驚
野情聊自適世累忽相嬰地迥風烟暗天高日月明
雖興埋玉歎終荷賜金榮旅櫬他鄉發哀歌故里迎
猿啼桐水夕鶴唳默山晴子富春秋學人題月旦評
焚黃時可待衣錦晝堪行銘碣祠前立圭田墓下耕
束芻吾欲致酌酒若為傾回首松楸路淒然一愴情

送進士萬嵩會試

聖治開文運，賓興屬俊材。
考官千里至，多士四方來。
鸚薦逢三載，麟經占一魁。
荆人無抱璞，郢匠足掄材。
喜及簪花宴，榮從擢桂迴。
擬登龍虎榜，又上鳳凰臺。
志氣凌層漢，文光近上台。
青山迎去旆，綠水滌行杯。
良驥終騰足，神魚豈暴腮。
好風當側耳，佇聽禹門雷。

七夕飲謝氏偈側軒

偈側軒中飲，彬彬列雋髦。
上庖行盛饌，大甕出新醪。
香靄雕盤霧，茶鳴石鼎濤。
主人能倒屣，我輩復同袍。
詩險才應捷，杯長興愈豪。
良時偏易邁，嘉會豈頻遭。

有辛陪清賞無慚賦老饕
食厭厭歸已夜河鼓在林臯

送進士奚瑛服闋赴京

一日登科第三年讀禮書治裝辭邑里抱藝謁宸居
慈母偏憐若難兄更戀渠花香留別席草色暎行裾
帆掛春波外樓凭夕照餘老懷雖悵望有喜聽嘉除

哭先師樗隱先生

先生姓劉名儼字敬思以樗隱自號世業儒
為錢塘人元世不仕隱居西湖之上

天朝代元徵入京修禮樂書方輿續編既

而授廣東市舶司令而疾卒敬賦長律以哭之

痛哭劉夫子如今隔九泉感恩惟我在卓行許誰宣
漢向猶今系梁紆復後賢家聲俱溢耳才望孰齊肩
百氏遭漁獵羣經費討研大鏞知在序巨筆信如椽
美玉雖居璞明珠必媚川薦章何懇懇束帛竟交交
東壁星辰表西清雨露邊班陪黃閣老名廁玉堂仙
禮樂皆新制方輿有續編宣麻應內命行李忽南遷
漢節衝蠻雨黎歌入瘴烟客庖魚米賤商舶象犀聯
省檄官將調郵書訃遽傳龍蛇雖起起鸞鶴定翩翩
有客書銘碣何人給墓田禺山雲若慘谷水月空圓
雨泣悲鸚鵡風魂託杜鵑哲人其逝矣小子獨凄然

膏馥多沾巧，愚蒙賴勉旃。斯文因泪沒，吾道亦迤邐。
踵接才雖劣，心喪禮自專。每傷釀酌爵，况忍讀哀篇。
感激千愁外，號呼百拜前。不知雙眼淚，何日斷潺湲。

評曰

如一之義之喪之哀白首
不忘豈泛泛師友之言哉

髹几

髹几承

息賜書堂便老臣，始知離廡室終得近。華茵簡牘從
多積，尊爨可間陳。色侵書葉冷，光暎墨花新。坐次移
來穩，吟邊倚處頻。芸香微隱霧，梅影暗橫春。赤舄應
難假，烏皮詎可倫。量心知並潔，鑑貌信能真。獨對懷

殊遇相依媿此身賦成青玉案欲報諒何因

行馬

行馬非行馬如何作馬稱門闌知警蹕道路失曉騰
外侮威能禦前驅任莫勝足分如鼎峙骨立更鋒稜
洞戶金星暎雲衢紫電凝圖形那是獸附尾諒無蠅
曹植驕矜減楊彪貴顯增陪臣日趨謁有賴一懷兢

送僧智益遊浙

鐵佛千年寺高僧始得名爨香叅祖塔洗鉢出王城
水向三江渡山投兩浙行馬嘶天竺去虎過石橋迎
問法心應切遊方道可成歸來當結社細與話無生

丙子秋八月偶書

今夏既無雨茲秋復亢陽雖云流大火未覺應清商
午近風偏熱宵分露不涼四郊禾未秀一圃菜全荒
雲起江光赤塵飛野色黃井深添汲綆江淺駐歸航
解渴思茶椀銷愁仗酒觴蹉跎廢城市蕭散暮林塘
頭白憐鄉遠心丹願

國康老懷無以遣捉筆偶成章

題伴讀董時貢所藏山水

公館多清暇林泉愜所探人家如谷口風景似江南
斷徑荒深蘚崩崖老巨楠鯨波通海去鳥道與雲叅

江艇維晨渚，巖扉掩暮嵐。雨田收赤黍，霜圃摘黃柑。
未築清風屋，先尋白石庵。醉來休荷鍤，老去願投簪。
許我閒身在，從渠俗慮耽。偶然忘世累，聊復謝林慚。

和陸伴讀涇江曉行

歸舟浪花白，行旅鬢毛蒼。天上

君恩厚，江邊客思長。鷗迎迴渚集，鴈逐斷雲翔。山黑
猶含霧，林紅已被霜。雨懷辭白下，風憶過青陽。酒盡
懽寧極，詩新興未央。茲行須紀勝，後會莫相忘。

和吳教授過潯陽

三旬辭幕府，千里歷星霜。水鶴和鳴觴，風鳥逐去檣。

還家趨鄂渚歸路過潯陽山立雙峰峭江分九派長
雲泉高噴薄烟樹遠微茫若葉寒仍綠蓀花晚自芳
守臣甘徇國遷客重離鄉簡冊遺風節琵琶斷淚行
濕嵐郵傳外冷月戍樓傍老境頻過此懷賢易感傷

白居易尚書左遷江州司馬
李元出守江州盡節

九月廿五日值余初度諸友以詩酒見壽於舟
中賦五言長律一首以謝云

老去逢初度邴知在客邊清歡當此日嘉會勝常年
古鼎名香爇高臺絳燭然仙庖能具饌官舫盛張筵
新果登槃美佳肴入觴鮮慶行承綵帕壽祝荷華篇

北斗長生外南山爛醉前交情何鄭重禮貌極周旋
一府官僚盛千秋

國主賢願同金石志永以保貞堅

永嘉裴季和家有竹居典簿中都國學種竹數
竿想像故園之意

客舍仍栽竹殷勤憶故園亂枝交窄徑輕篠拂卑垣
曙色烟凝几秋聲月在門殺青編汗簡浮碧注山尊
斲筍供春祀行庖
夕飧高人頻駐屐俗士竟迴轅
雖與山林遠終無市井喧晉賢名未泯唐逸興猶存
彷彿龜山路依稀鴈蕩村南歸遂幽息投老更何論

蚓竅集卷五

雲間管時敏撰

西域丁鶴年評

七言古詩

墨總為越人趙為謙賦

女媧立極斷鰲足羲畫之先無刻木始觀鳥跡製文字夜鬼哭天天雨粟篆隸變化生八分行草復作何紛紛六書古制既茫昧載籍况遭秦火焚後之作者不可數形聲寥寥眇千古更論得法神妙間自信臨池心獨苦君居於越文獻邦家藏金石書滿牕磨穿

青州老未已萬斛巨鼎疇能扛吳興宗人已物故淞
河東西誰獨步君今有志繼絕學砥柱中流見孤注
剡溪百番冰雪光玄霞一斗松煤香滿堂賓客看揮
灑風雨颯颯龍鸞翔我嗟塗鴉手如棘屢欲從君問
竒畫君還許我載酒來我捧千鍾勞君筆

評曰

意古辭工諸長
篇中惟此為最

尹母行

雲間尹母年十七嫁夫三年夫病卒舅姑在堂兒在
襟自分菑斃守空室家貧何以為生理紉縫得錢奉
甘旨門外春風自往來寒心一寸如灰死

評曰

寫出
尹母

鐵石肝腸東家議姘張綺筵西隣通媒續斷弦有山可移
志不改冰霜凜凜心逾堅孤兒今年三十五教養成
人應門戶舅姑百歲俱壽歲華榜旌書照鄉土九峰
三泖清且奇栢舟泛泛淞之湄吾鄉風俗有如此終
古不愧尹母詩

李哥行

霸州李哥年十五出身本是娼家女誓死願作良人
妻不願隨群學歌舞白頭阿婆不見容籍我花名入
官府李哥有志不得寫終夜號咷淚如雨兒今未免
從母命母也須當聽兒語淨洗容顏不食葷一釵一

裙只荆苧唱歌得錢贍阿婆此身不敢辭辛苦東城
酒樓花滿烟五陵公子羅尊俎衆中一少忽相嘲李
哥出門氣如虎益津縣監輕薄兒不惜黃金買同處
阿婆貪金不顧兒暝地甘言密相許縣監夜半排闥
入李哥拒之閉其戶大言痛詈汝監邑汝何不知民
父母手操白刃不容狎縣監慙惶走無所霸州太守
聞且驚吾州此女深可取有子讀書舉秀才年逾弱
冠未婚娶通媒六禮議成姻一州歡傳得貞婦後來
賊兵犯霸州李哥與夫遭賊虜賊見李哥美顏色但
言殺夫不殺汝李哥得言即誓死與夫同死河之滸

烏乎李哥節義俱赫赫聲名振今古我今聞之多慨
慷激烈悲風起林莽他年觀我李哥行賊子奸臣面
如土

評曰

李哥之行固有不遇士大夫為之發揮
亦與草木同腐已至正之變忠臣節婦豈特
此耳是所遇
有幸不幸也

稼村贈鄉人孫原璘

我家三里汀前住茅堂政近桃花渚學經不明欲歸
耕佃得官田廿餘畝有書盡賣買農具甘作東屯種
田父侯疆既足把犁鋤餉婦尤能載筐筥田中蠹稗
日自除墻下蠶桑春可取秋風禾黍既登場冬日雞

豚復盈圃全家衣食幸餘饒老稚那知有辛苦東隣
擊鼓送農官西舍烹羊祀田祖且喜征科一事無况
是豐年好官府縣吏催租不下鄉半夜無人打門戶
官糧輸足私債無一村帖然如按堵自信於焉老此
身豈謂年來繫簪組汨汨黃塵沒馬頭白水青山竟
虛負羨君學校如老農久抱長材隱家豎奉親菽水
喜平安教子書詩識今古我今不蠶亦不耕素餐厚
祿知何補幾時上疏乞東歸白頭相尋願為侶與爾
擊壤歌堯年五日一風十日雨

春江捕魚圖

玄真坊中老孫子老去今年不知幾綠蓑短短僅遮
身自小求魚足生理魚倉蟹舍小蓬門一帶編隣住
江溪昨夜青山得雨多門前三尺桺花水大家漁具
都上船水面紛然若浮蟻小兒揆柁立船梢老婦供
炊在蓬底大繩屬網絕中流東船纔下西船起須臾
兩船相向開來往風波疾如駛前船得魚先上城後
船迴篙刺沙觜此賓此主尚杯盤樵青已卧蘆花裏
醒者垂釣醉者眠東去西來隨所止不欠官家魚稅
錢榮辱從來不干已我家江南山水間烟樹叅差絕
相似作客天涯未得歸一見此圖心獨喜俸錢幾時

當買山小築茅堂三泖尾白頭方是謝官時也學漁
家從此始

題胡長史雪舟卷

萬里漫漫凍雲黑六花飄飄朔風急富春江頭行依
稀汀鳥沙禽飢不飛此時先生乘一舸擁鼻長吟蓬
底坐白鶴氅衣寒半披東西泔洄隨所之須臾雪深
風轉大結纜歸來且高卧妻兒凍餓甘守貧升斗不
思干故人東方日出徵書下縣官扣門來勸駕

全將軍歌

全將軍壯且武前年去年殺兩虎受賜黃金百兩歸

醜酒推牛宴同伍意氣驕矜不可當自謂千人何足
數今年搏虎東城下虎亦憑陵肆其怒一挾將軍雙
目睛可憐竟作荒郊土烏乎勇不可恃利不可取汝
不侮渠渠敢侮汝不見東海之濱釣魚父白頭龍鍾
八十五

評曰
語有規戒

題蔡將軍春擊毬圖

中都五月炎光薄旭日曛隴射金閣無風無雨好端
陽鼓聲鼙鼙動城郭

諸王閱武出東華打毬又是常年約宮扇齊分五色

雲天人坐擁青絲幙，虎士嚴屯千衛兵。毬場千步平
如削，綵門遠處放毬來。萬夫馬上俱欣躍，半輪缺月
地中生一點。流星天際落，衆皆努力向前趨。苦心獨
取仍難掠，武昌將軍稱絕竒。膽氣從容有經略，等閑
一擊過毬門。四面騰聲總驚愕，中官傳

旨催賜金。一派鏡歌半空作，百萬人中奪綵迴人生。
獨有從軍樂，從軍樂樂何如。

賢王豈事為懽娛，太平武備不可無。乃知將軍美丈
夫，雄才勇略應時須。他年選將防邊隅，論功直與衛
霍俱畫象。麒麟徵此圖。

評曰

健筆縱橫有典蔡將軍意氣爭雄長

患足行

晚朝騎馬歸風雨忽蕭瑟中塗雖泥濘馬穩幸無失
到家下馬燈火明妻子見我懽相迎開筵舉酒飲未
已刁斗城頭敲二更我因良馬蒙

君賜長恐官佞踈餒飢寒槽芻粟夜頻看恩極那能
有全寐促燈下堂催上芻泥滑失脚嗔人扶倉黃不
知骨已折始信人間無坦途烏乎生死固有時禍福
豈無命塞翁塞翁勿復論卧看楊花風不定

槐花歌次韻荅季翔

春來看花湏及早莫待韶光去如掃年年花發看應
遲幾多狼籍被風吹今年無風亦無雨千樹桃花紅
爛吐香塵繡轂動遊人流水瓊筵出歌女天氣艷陽
三月時倚闌吹徹玉簫差百壺送酒莫停飲祇恐落
花辭故枝落花飄盡春無迹著意留春花可惜花開
花落一番春與君莫作傷春客會須日日醉花前不
放閒愁到酒邊有花可看酒可飲但願以此終殘年

敬賦天馬歌

昔聞天馬不易得房星降精產西域雙蹄並截白玉
光一身渾染玄雲色雄姿非驛亦非駮八尺乃是真

龍媒天生權奇特神駿烏騅赤兔皆凡材風尾蕭蕭
耳雙聳萬里騰驤塵不動番臣重譯貢中華黃金論
價如山重太僕養之十二閒立仗曉照鷓鴣班在廷
畫史皆國手乃為寫真傳世間當今
聖主修文德遠裔窮荒俱混一不用勞師圍太宛年
年擬獻三千疋

敬賦白鷹

臣聞名鷹不易得衆中奇者色純白金眸星轉雪為
翎玉爪風生背如戟天然遠自海東來論價可輕雙
白璧鷹師調養水食勻臂擎不敢離朝夕十月平原

百草枯野馬山牛俱辟易出籠一脫紅錦鞵隨人指
顧無虛擲嗟我此鷹殊可惜奮擊真如萬人敵
吾王育之豈為事遊田要激猛士于疆場



天馬白鷹結句
皆磊落稱題

哀鴈吟

隣有貞婦痛夫以刑死日夜號泣誓不再天
余嘉其志為賦哀鴈吟

哀鴈復哀鴈雄雌不相違三春北去秋南歸年年稻
梁充汝肥汝肥曷已時安知矰繳不汝隨一朝弋雄
孤其雌雌孤殊可傷夜啼秋霜楚天空闊雲水長

誓不更逐群侶翔花間滿春塘不媿鴛與鶯

鷹鷄行

白日中庭忽風過鷹攫鷄雛半空墮誰家失之無處
尋家奴拾得如拳大毛血淋漓殊可傷性命幸脫飢
鷹腸山妻叮嚀勤餽飢愛護真如孤鳳凰錦毛漸長
雙冠聳可愛花陰鬪時勇我雖老饒不爾烹留取年
年作雛種

射鹿行

雲夢澤中冬信早十月清霜凋宿草此地猶存古獵
場周遭百里青山繞

吾王一歲一遊田麝香名馬青連錢紫絲垂韁黃金
勒紅錦裁鞍白玉鞭騎來獵場世稀有馬首忽驚山
鹿走老麋鼓勇獨當前群麋牲牲總隨後彤弓滿引
與月同白羽出挿生腥風迴身連發踏雙鹿左膘右
鬪毛血紅妙手穿楊古無比嘖嘖權聲溢人耳林深
伏虎莫敢行木末窮猿號不已笳鼓喧闐催解圍千
萬人中得雋歸行庖吹香出翠釜從官縷割誇鮮肥
大府分封鎮荆楚農隙年年須講武太平武備不可
無萬載千秋作藩輔



蚓竅集卷六

雲間管時敏撰



西域丁鶴年評

七言律詩

姚氏野春堂



野外茅堂不掩扉，堂前風日散晴霏。
梨花門巷清明近，春水池塘燕子飛。
每約隣翁同社飲，更從田叟勸農歸。
明朝我亦尋春去，小試東風白苧衣。

宴徐氏樓

高宴徐家池上樓，座中賓客總風流。
東城美酒休辭

醉南國佳人自解愁晴日遊絲當戶落暖風香篆近
簾浮歸時不用山公馬短棹春波正滿洲

答吳高士見寄

青鞋布襪木綿裘合是山中隱者流舉世可無劉越
石薦賢誰是呂婆樓秋風沂蟹年年上春水沙鷗日
日浮好為携琴并載酒三高祠下放扁舟

和內兄金士廉清明日答張應辰見過

雨晴江路少塵沙有客尋春到水涯風細游絲低著
草日斜歸鳥亂穿花青山幾處無新塚喬木何人是
故家倩得盤遊春髻子東風日日好將車

小雨輕風寒食後一春惟酒是生涯過江不用歌桃
葉出郭先宜看杏花亂後此身猶是客醉中隨處即
為家白鷗信我忘機事擬買滄洲一釣車

清明感懷二首

十年宦學楚江濱老景垂垂上此身插柳忽逢三月
節看花又過二分春青山風雨多新鬼白髮江湖少
故人東憶墓田千阜下可堪回首一霑巾

客裏逢春百感生况聽風雨過清明楊花總是離人
恨桃葉都非舊妾情小引酒杯還易醉苦吟詩句却
難成不知誰是窮途者哭似當時阮步兵

評曰

使去國懷鄉者見之
豈不蕭然有感于衷

山水圖

青山何處躡峻嶒我擬幽棲久未能
深谷雨來雲正合大江風作水如崩
林中短屐行相引渡口孤航喚欲
應今日未醒塵土夢披圖長嘯媿孫登

山水便面

宣和便面何從得畫史當時屬有才
紫翠峰巒天上落青紅樓閣樹頭開
羣賢似向蘭亭會一老疑從栗里來

評曰

畫外畫

安得從容隨杖履輕舟日繫水雲隈

人日偶興

宦遊江漢十經春。白髮東風鏡裏新。千里此身長在
客。一年今日又逢人。雨中柳色黃猶嫩。水後湖光綠
更勻。藩府官閒如化國。不知誰是葛天民。

評曰

以人日為化日。府僚屬為葛天民。可謂善變者矣。

禮部頒王府文官

誥勅次審理。王敬德韻。

紫誥恭迎被寵光。驛亭初日正蒼涼。官坊錦織雲霞

爛

御榻文成雨露香。九五飛龍當盛世。太平鳴鳳在朝

陽。羣公拜舞

天威近舉首紅雲是建章

元日和季翔韻

嘉節金門慶屐端無風無雨萬人歡
通班新例行中使道駕常儀忝從官
列仗終迴燈影曙嚴兵未解甲
光寒宴闌歸去恩榮甚醉插官花上錦鞍

御賜西馬

金門蹴踏五雲開七尺權奇信是駉
近自天閑頒賜下遠從西域貢將來
雄姿共擬千金價駿足爭誇萬里材
昨日錦鞍新鞵出殿前立仗總駑駘

參侍平靖州諸蠻次季翔韻

親王承

詔討南蠻三月星霜歷險艱萬斛樓船上秋水千羣
鐵騎蹴寒山孔明謾說安夷俗馬援應慙入漢關十
二妖酋今盡縛皇華又報捷書還

軍屯十萬坪

玉帳秋臨十萬坪石家銅鼓夜無聲千團毒霧開山
寨萬竈炊煙起野營自信丹心能報國誰知白首厭
談兵中官催草征南捷龍燭生花剪更明

丙寅元日軍中次李翔韻

羽仗森嚴午夜陳千官行殿慶新春四時佳節逢元

日甲子豐年見上旬鵠立久叨居侍史鹿鳴今喜宴

嘉賓凱音歸及燒燈候一路東風火樹新

評曰

祖征有苗古所為難王師一出諸首投首非長于廟略能若是乎

侍從朝京還國舟中簡府僚

諸王入覲試功初

恩及吾君慶有餘

聖語自天稱國穩臣心何地愧才疎四夷率服英風

遠九域同仁化日舒幸遇太平全盛際不妨白首曳

長裾

欽賦大將征回

聖念蒼生重拓邊
王師奏捷凱歌旋
千營列柵天籠
野萬竈連山地湧泉
軍涓過泉魚海于今歸
版籍狼荒從
此靖風烟華夷一統
文明日共祝
吾皇億萬年

觀射柳贈陳僉衛琰

將種傳家屬妙齡
端陽射柳在

王庭馬看飛鞚如
追電箭訝離弦
若迸星度內等閒
知中白眼中端的
肯撩青含風細葛
君恩賜自咲吾儕
字識丁

評曰

丁字甚
有風刺

軍中寄潭府紀善楊應庚

奉使君初過武昌從征我已上渠陽雞聲風雨同為
客馬首雲山各異鄉千里還家鷺臘盡百年依世華
身強相思恐有平安字好寄南來鴈一行

寄淞上友人

憶昔都門把臂時殷勤索我送行詩客邊賴爾能相
慰別後令人有所思芳草暮雲愁忽忽落花春雨鬢
絲絲東歸艇子如堪買定擬尋君泗水湄

送兄勉翁自鳳陽迴淞

把酒燈前醉復傾別離無限異鄉情一身千里久為

客百歲幾時長見兄春雨園廬青草遍暮雲立隴紫
芝生白頭遂我東轅日數取圭田得耦耕

題胡長史所藏風晴雨嫩墨竹四首

記得東林臘月裁虛懷今對畫圖開碧雲何處忽飛
到蒼雪無聲欲墮來尚覺暮寒生翠袖不驚午夢斷
瑤臺故園茅屋蕭：裏若箇家童掃石苔

萬个琅玕遠舍栽拂檐金翠曙光開尋常每夢鸞笙
下彷彿遙驂鶴駕來千尺洋州生製鞵一竿嚴瀨獨
登臺白頭天與歸欤便短策行吟石運苔

移得篔簹谷裡栽柴門蕭爽曉慵開林慙我向當年

隱逕造人從此日來六月微涼生枕簟半天空翠落
亭臺公家池館平安在遙憶清陰遍綠苔

舊本曾於醉日栽新梢今已拂雲開蕭蕭籜向風前
落細香從雨後來漸有微陰侵墨沼且無虛籟過
琴臺明年二月春雷起祇恐裊兒破紫苔

評曰

立意造語
尤為工緻

過洞庭

湖上東風水似天渚花紅白共春妍蒼梧二女墳前
路青草三閭廟下船鮫室綃機聲札札龍宮珠珮影
娟娟官闕更遂南遊興借榻君山寺裏眠

國醮禮畢送張真人還山

真人黃籙脩三日

聖主丹衷息萬機白玉印封

天表進紫霞衣惹

御香歸雙龍直向雲中見群鶴遙臨日下飛大禮已

成還舊隱蒼山草木亦光輝于時龍見鶴來

評曰全篇雄麗真是唐律

贈僧白庵

白庵道人脩白業一毫曾不染緇塵淨如片月真空性閒似孤雲幻寄身馬為馱經行較遠鵝因聽法養

偏馴東林縱有蓮花釀肯作攢眉入社人

靈鷲僧勤無逸奉使日本回授官聞欲見舉寄之

天宇寥寥一錫飛忽聞承

詔赴

彤闈山中書札三年別海上梯航萬里歸賈

島文章終釋褐曹溪弟子孰傳衣白雲出岫無心處

老我滄江理釣磯

題王秉正雲林清隱

青林白谷水雲鄉隱者深居一草堂百道松泉當戶
落四時花雨八簾香門前車馬紅塵遠座上琴書白
日長滿目故家風景在不須重畫輞川莊

春暉堂江夏雷道夫典儀奉母之所

絲衣五色絢晴光，鶴髮康強在北堂。
結子蟠桃千歲熟，宜男護草百憂忘。
孝奉慈親知愛日，忠承嚴訓要傾陽。
晨昏定省無違養，誰得居官不離鄉。

竹鶴圖為醫士仵惠道題

此君風致極蕭閑，合與胎僊共一班。
千歲影迷蒼雪裏，九臯聲在綠雲間。
平安莫謾傳書去，徑造休教報客還。
樹向芝房無點俗，長年相對悅清顏。

贈別鄉友孫汝達

故人契闊幾經春，千里停雲入夢頻。
下榻豈期今日

會分金寧忘昔時貧乾坤白髮詩名在風雨青鐙酒
量真別後音書煩見慰莫令目斷楚江濱

附錄汝達見答

交契驚踰四十春每蒙存恤意頻頻能將宦達安
醇厚不鄙迂疎處賤貧青眼總知鄉義重蒼顏尤
見道心真從今相別希相遇祇自懷思谷水濱

題陳士良棲霞軒

泉山一室閔丹霞舊是希夷道者家曉日綺窓生五
色春風珠樹吐三花迎仙每服青綃帔引壽時滄赤
水砂莫效昔人成瘡疾從容好為誦南華

訪洪山海禪師用季翔韻

今朝立春風物熙東巖閣前尋遠師烟霞丘壑舊遊
處金碧樓臺新構時東風官馬去何疾落日家童行
欲疲我亦清齋不飲酒與爾結社同幽期

送倉使楊宗彞迴沔陽

鴈鷺行中見孤鳳采采五色之羽翰平生自是抱奇
氣老大何曾辭小官新詩千首不起草生紙百番能
寫蘭明朝掛帆渡江去花落沔陽春雨寒

送長史司吏吳永中役滿還廣東

早春公館柳條黃清暇題詩送掾郎白髮簿書官事

了青山風雨客程忙
船從杜若芳洲發
酒向桃榔小店嘗
歸及墓田寒食後
碧雲東望思茫茫

送瀘州判官孫彥博

新除貳守向瀘川
西上長江萬里船
行李莫辭為客遠
判花政喜得君賢
官鹽歲汲千家井
火米時收五月田
緩帶從容有佳興
寄詩細寫薛濤牋

送李雲仲之蓬萊丞

蓬萊縣裏神仙宅
今日之官獨爾清
張鷟文章多中選
李紳才業久知名
沙門風雨龍腥過
海市樓臺蜃氣成
報政重來應有約
上林三月共聽鶯

送僧溥天淵東歸

千里孤雲一錫飛，西來問法候傳衣。
幾聽絕壑猿聲過，又踏空山虎跡歸。
離垢已應無黑業，隨緣只此是玄機。
半霄峰下棲禪處，莫待巖花老石扉。

送寶曇應禪師遊峨嵋迴金陵

峨嵋峰頂絕凌嶒，不離塵凡不易登。
太古雪消丹壑裏，普光天在白雲層。
神鐘日報齋堂飯，聖火宵明佛殿燈。
六載下山非苦行，怕人云是再來僧。

師是義斲崖再來

送廬山福上人

東林卓錫幾經春，瀑布源頭自在身。
陶陸舊為方外

友宗雷元是社中人過溪一咲千年事浮世重來幾
劫塵江上相逢又相別野花何處問通津

和鶴年丁先生宿東巖韻兼呈洪山海禪師

借榻東巖第幾層山中主者佛圖澄浮榮過眼寧非
夢清苦前身本是僧齋罷雲扃時聽講詩成雪屋夜
懸燈虎溪有約仍三咲自媿為官老未能

評曰

于孤苦中翻出一段清致亦足少慰窮愁矣

和季翔韻簡洪山海禪師還山

八載歸來說苦空禪心只與舊時同賣將薪去誰家
事種得松成幾許工雨露無私霑

帝澤山林有道振宗風
半霄巖下行吟處秋色還歸
杖履中

用李翔韻題胡長史所藏東坡墨竹

剩水殘山雪後時
韞材貌得歲寒枝
歸來內署曾持燭
忘却南溪有賦詩
岷谷秋陰雲冉冉
湘江春碧雨差差
展圖如在千竿裏
六月涼颯灑鬢絲

謝賜虎肉饅頭

彤弓親射東山虎
細轡籠炊賜百官
昨日雄威猶可畏
今朝和氣已成團
庖丁尚慮風生机
張鬼應驚雪在盤
賸種官田千畝麥
屯家犬豕夜平安

題脩江王玠西山舊隱圖

君家舊隱知何處，遙隔脩江紫翠岑。
金碧畫圖聊耐藉，烟霞丘壑待登臨。
水花疑露魚依渚，山葉鳴風犬吠林。
布襪青鞋歸及早，莫教猿鶴怨驚深。

觀音蓮

不假淤泥一點栽，五銖衣似藕絲裁。
碧雲幢下分明見，白月輪中自在開。
根向旃檀新植得，種疑鸚鵡舊街來。
當知五十三叅外，示現應須有善財。

雙竹

立亭亭並出林，不於千畝競繁陰。
雲霄每引鳳凰

下風雨或作蛟龍吟夷齊同隱高節在皇英對泣遺
恨深



逼真何當分箇漁竿去獨釣渭川烟水淨

紙被

萬杵霜藤練色勻卷舒一幅淨無塵梨花夜暖雲迷
夢柳絮春寒雪滿身未怪青綾能見妬也勝白氎尚
欺貧五更聽徹金門漏得似山林晏起人

木芙蓉

渚宮仙子耐清寒笑倚西風臉渥丹絳節三朝瓊作
珮霓裳一曲翠為盤夜霜漁屋燈前見秋水人家畫
裏看可惜繁華易惆悵錦官城上夕陽踐

月中桂

上界誰將此樹栽。廣寒高處古香來。根從天地分時種。花在山河影裏開。白兔守株依貝闌。青鸞銜子下瑤臺。不知斫盡吳剛斧。天上浮雲變幾迴。

燈花

不假天工雨露栽。銀缸火暖自然開。兩莖朱草含烟秀。一朵紅雲度水來。春色半浮珠蓓蕾。風情中結錦胚胎。明朝喜事殷勤報。莫遣芳心一寸灰。

和左長史史秉賢詠炭

大櫟山中斬不存。青山白屋坐來溫。晴生五色雲霞

氣春活千年鐵石根積雪深時神獨王繁星迸處勢
如奔吾生違道難依世三斗逢人亦易吞

松總聽雨為西安楊公圭賦

草堂千箇種長松好雨時來紫閣峰聲到風枝驚睡
鶴勢迴雲壑起潛龍暮樵隣父歸應濕晨汲家僮出
更慵且喜官閒清兩耳逢人莫說大夫封

白雲窩

富春胡清之隱居蓆帽山嘗名其室曰白雲
窩既歿其子去華不忘其親乃繪為圖以寓
羹牆之意故為賦詩以慰其孝思云

蓆帽山人隱澗阿，白雲深處有行窩。
忽驚仙化從龍去，猶想神遊與鶴過。
門外海濤翻白石，屋頭山雨落青蘿。
太行千載如今日，目斷孤飛淚更多。

寒食

三月東風大放顛，今年為客倍淒然。
杏花時節偏聽雨，寒食人家不禁烟。
千里故鄉愁共遠，一春白日夢相牽。
天涯草色青青處，祇憶千山墓下田。

次韻寄洪山海禪師二首

杖錫西來住此山，道場新構未曾閒。
寶鐘鯨吼神功在，金刹鸞飛佛運還。
大法固應超物外，勝緣初不離

人間千年香火今重見只在圓機一轉關

履跡經年不下山山中清事屬僧閒日高香積齋初
散雲滿松牀定未還佛法三乘天廣大禪心一月水
中間幾時撥芋灰邊坐細話無生第一關

季翔弟惟學自嘉禾來武昌省母及其還也賦
詩為別乃翁清江先生有文集行於世惟學婿
于沈氏云

烟波樓下上行艍小暑薰風擬到家二陸弟兄尤俊

偉三蘇父子總才華評曰用事的當得體親闡正舞衣多綵

甥館應占燭有花媿我蓼莪詩久廢况堪頭白尚天涯

對雪

半年南國不雨落一夕北風吹雪來城中米價政爾
貴江上毒花空自開騎驢朝士曉未出射虎將軍夜
不迴寒齋獨坐更愁寂飢鳥下啄青莓苔

吳善存侍父勤翁來府中教書復還鄉迎母

遠侍而翁入講帷又迎阿母向慈闈江亭駐馬梨花
發春水行舟燕子飛三接恩光新禮幣一門經術舊
儒衣重來具慶高堂上壽酒頻頻送夕暉

大別山

南紀名山壯楚關虎蹲龍伏大江灣登臨興在風雲

外疏鑿功存宇宙間
二水合流通漢沔
一峰特立控荆蠻
澗毛清薦虛祠下
惆悵何人繼克艱

黃鶴樓

黃鶴西飛去不迴
青山高棟自崔嵬
當年賣酒人何在
今日題詩客又來
舟繫城邊官柳發
笛吹江上野梅開
白雲只在闌干外
安得乘之遍九垓

北榭

舊家行樂小亭臺
珠箔青山卷盡開
花月當時人已散
柳風今日燕還來
舞鈿猶委宮牆草
少障曾過輦路苔
一代繁華易銷歇
白榆霜冷鴈聲哀

呂仙亭

道人高坐朗吟亭古蹟因知此地靈
劍氣飛來湘水白笛聲吹入楚山青
階前丹棗何年熟枕上黃梁幾日醒
快我登臨塵事隔摩挲蒼蘚讀碑銘

石鏡亭

武當祠下仙人鏡纖塵不染絕晶熒
看來終夜似明月知向何年曾隕星
天上孤鸞還舞影山中百恠敢逃形
偶因登覽坐良久清光照人如夢醒

辛未初度和李翔見壽

日華初上萬年枝官滿雄藩未許辭
初度今朝猶是

客老來多累，又添兒黃花。醉我留連酒，白雪驚人唱。
和詩珍重同袍交契，在十年一日共襟期。

題史仲愚舍人終南山色圖

長安壯觀是終南，千里秦川盡蔚藍。過雨丹青開絕壁，浮空紫翠結層嵐。八關地設東西險，三谷天分澁澁。待得錦衣歸去日，看雲好鑿石為龕。

重賦胡清之白雲窩

幽居遠在白雲隈，絕徑縈紆長紫苔。芝草齋房春雨閉，松花牕戶晚風開。漫疑世外神仙侶，誰識山中宰相材。今日披圖重感慨，海天何處鶴飛來。

江夏劉名才及子陟皆以醫鳴于時鶴年丁先
生德其愈病索詩贈之

大隱為醫在市廛千金秘訣自家傳昔時曾起龍歸
海今日還將鶴引年舊煉丹爐留宿火新開藥圃灌
春泉一門父子神仙似何必壺中別有天

題醫士張孟安懶窩

青年與世似迂踈一室全勝水竹居雲到榻前應共
宿草生階下不教除任役野老常爭席無奈隣人數
借書賣藥養親甘旨備何曾頭過一旬梳

哀鶴年先生女兄月娥死節

月娥帥姊姒女婦共十人死于水葬蕪湖之
黃池里父老題曰十女墓金華戴叔能先生

為銘詩

姊也從容賊陷城全家殉節萬人驚魚龍應護貞魂
在犬豕難虧大義明世上千年名不泯水中七日面
如生至今合塚黃山麓霜月蕭蕭夜共清

題審理正蔡原輔練林墓圖

藩府同袍十二年練林那忍見新阡親闡臺遠風烟
外旅櫬

息深雨露邊表石雖無翁仲貴居廬已有子孫賢哀

余東望千將淚。老去何時灑墓田。

哭鍾伯紀先生

杖策來從剡水東。飄飄意氣欲凌空。曾經捫蝨談天
下。幾向聞雞起夜中。魯酒也須佳客共。商歌直與古
人同。所知已逝音誰賞。絃絕秋鴻膝上桐。

和謝鶴年先生見壽

秋色南山曉共妍。今朝初度會羣賢。清尊談笑同為
客。白髮風流半是仙。日觀鳳麟當盛世。齒隨犬馬待
餘年。過情佳句煩稱道。自愧迂踈敢浪傳。

叅侍赴

京迴國

聽漏曉辭

丹鳳闌停舟晚，白鷗沙雲歸林麓。迷樵逐潮落江汀，閣釣艤秋後。青天無過鴈，霜餘紅樹有啼鴉。年年何幸叨陪，從祗愧西風兩鬢華。

黃石磯阻風

老我平生江海量，此行不覺為銷魂。黑風怒若千鼉吼，白浪顛如萬馬奔。行客帆檣迴浦溆，居人烟火失朝昏。千金亦有垂堂戒，况是餘生荷

主恩

題陸伴讀閩所藏范寬山水

華原真蹟人間少不是故家無此圖百谷泉聲猶噴
薄萬山雲氣欲模糊年深更覺精靈聚價重寧論性
命俱退食從容頻借看此身何必到蓬壺

陸氏滄浪漁隱

子是天隨幾葉孫家藏釣具至今存秋風鱸美時供
饌春水鷗閒日到門泛宅豈殊居甫里放舟莫擬入
桃源濯纓濯足都休論且對青山倒一尊

定齋為張孟安賦

知止應無俗事關焚香清坐對南山舊栽靈藥須頻

採新註丹經不用刪芳草池塘春水滿落花簾幙午
風閒此中半席能分我老去逍遙杖屨間

送藍生馬駿赴京

黃鶴磯頭上驛船柁樓搥鼓下晴川客行二月梨花
後人別東風燕子前
紫極龍飛居九五滄溟鵬擊起三千只今登用俱才
傑好著勲名及壯年

題齊安董昇松雲軒

幽居長松一百箇滿室白雲終日飄影連遙漢集龍
氣音合清颺諧鳳韶采苓道者每相過結巢仙人還

可招涼陰六月不知暑坐看甘雨傾天瓢

過龍泉山

夾口青山四面來山重拱挹水縈迴千年勝地龍泉湧一日佳城鳳穴開佛子巔頭雲擁樹仙人石跡雨生苔嶽靈應為長呵護五色光生紫翠堆

華亭錢全慶餘先生奉別廿餘年嘗辱垂問因

寄謝之

鄉里衣冠獨老成祇將清白度平生著書已續雲間志賣藥寧逃世上名斗酒長歌心自適孤燈細字眼逾明愧余竊祿

王門下千里何勤月旦評

敬和

書堂新成

華構新成講席深
河間禮樂重推尋
南榮日晷三冬近
東壁星光午夜臨
黃卷聖賢常對語
青燈

兄弟久潛心

金枝玉葉承家訓
都在青年惜寸陰

過皖城弔余忠宣公

元戎百戰守孤城
千里蚍蜉絕援兵
堡郭有方文且武
簡編無愧死猶生
神來遺廟乘雲氣
鬼哭空江襍

雨聲尚憶李侯并達帥一時忠義屬科名

達無善狀元為湖東元帥死于海
李于威狀元為江州太守死于郡

奉寄茅山道士求香茶

茅山歲歲摘先春礫石霏霏磨作塵玄露十分和得
細紫雲子片製來新頰車味載能消渴鼻觀香傳即
燕津若得清風生兩腋便從羽節訪羣真

伴讀周庠求題其師叙南游克成先生雙溪草堂

聞道雙溪似灤西草堂小築足幽棲楊雄奇字知誰
問杜甫新詩漫自題滿座荷風魚躍浪一簾花雨燕
爭泥白頭無意蒲輪召只恐文光動壁奎

題謝生草塘書舍

芳草橫塘隱者居，長年閉戶只觀書。
門前水煖生科斗，座上芸香辟蠹魚。
力學豈知清苦處，憂吟多是黑甜餘。
宣城風致于今遠，為愛雲仍玉不如。

閱耕軒

乃鄉友陳景祺員外父傑翁軒名也

瑤溪一曲繞田廬，日對耕耘自讀書。
淳俗無虞那佩犢，豐年有夢每占魚。
頃筐敬饒朝烟裏，短杖徐行夕照餘。
家愛後昆勤播穫，始知經訓在畬畬。

荻港雨行

昨朝楚岬喜秋晴，今日吳船雨裏行人事。
天時何可

測青山白水總關情久知盟與沙鷗冷那得身如野
鶴輕怪底石尤風太惡空勞百丈進脩程

早朝和吳教授韻二首

大廷禮樂遵周典盛代衣冠邁漢儀一統河山開景
運九州民物樂清時遲遲化日行黃道郁郁卿雲藹
赤墀蟣蝨小臣無以報萬年

宗社祝鴻釐

月轉西城禁漏遲千官隊隊入朝時班陪冠珮聯鷄
序樂奏簫韶覩鳳儀雨露極知
恩似海草茅深媿髮如絲夔夔何敢忘

君敬一寸丹心在緝熙

評曰

以治世之音詩
清朝之盛豈賈幼鄰之流亞歟

次韻有懷 周府奉祠宋季子

故人為別動經年
况復祠官久不遷
白髮交游惟我
舊清時文物尚君賢
忽過夢隨胡蝶的
歸心在杜鵑
無限相思千里外
暮雲春樹兩茫然

送願謹中赴 蜀府紀善

憶昔論交並黑頭
那知一別歲如流
暮雲春樹幾千
里
風北枝南二十秋
宦海有時思往夢
醉鄉無處著
閒愁
慰情書劄頻頻寄
老我年來倦倚樓

送曹公啟

金聲楚，見雄詞玉質温，識令儀春水鷺羣當墨
沼曉星雞語，寫書帷忽驚滄海遺珠久始覺青雲薦
刺遲今日鵬程應九萬別情不盡送行詩

評曰

黃文獻公語曰文章莫難于詩，莫難于唐律，今觀集中五七言律體製嚴整或間出新語亦復清俊，豈非得文獻所謂難者歟

[Faint bleed-through text from the reverse side of the page]



蚓竅集卷七

雲間管時敏撰

西域丁鶴年評

七言長律

審理正蔡原輔遣子還天台省親

郎君烏帽越羅衫文采温温自不凡
大父高堂垂鶴唳阿翁上府署冰銜
閒情白日佳山水雅操清霜古檜杉
公館揮毫知有暇客庖食蟹喜無監
宦遊遍歷長途轍歸省俄揚極浦帆
水暖船頭魚潑潑泥融江尾燕喃喃
彩虹遙貫詩連軸紫氣高騰劔在函
行李

異鄉過赤壁看花故道入黃巖國人共識張魯子隣
叟爭迎阮阿咸拜舞重闈通遠問平安須早寄魚緘

題藍山簿天台陳仲素先隴圖

孝子之官萬里途臨行貌得壽藏圖赤城親舍雲多
少黃葉人家路有無雙石效竒華表立一峰拔秀錦
屏紆地存牛跡曾眠處山擁龍形正向隅燁燁靈芝
生百本森森喬木長千株青天忽下過門鶴白日仍
飛累土烏有客東芻將適越無人掛劍更歸吳年登
老圃收松子秋薦思亭採木奴入里上官知下馬卜
隣故老候歸鳧榮知衣錦風雲遂恩及焚黃雨露殊

且喜子孫供祭掃不愁翁仲沒榛蕪
哀余東望干將下寒食梨花酒一壺

題典儀柳以臨九鸞白雲圖

清郎今是

楚儀官鴈蕩雲山畫裏觀山似青鸞
來九箇雲非蒼狗變千端倚門斜日
楓林晚拄笏高煙草閣寒庭樹鷄鳴
思問寢江庖魚美阻承歡桂因招隱
烟叢老萱解忘憂露葉溥溪上樵歸
風且便源頭童汲雨初乾烏犍耕後
魯秋穫白鶴歸時及晚餐東里遷居
逢孟母西隣醲社祀丁蘭天邊見鴈
歸心切月下聞蛩旅

夢殘

紫誥定應來絢爛
綵衣重得舞盤桓
板輿前引行花徑
竹杖旁隨過藥闌
春酒高堂介眉壽
更圖家慶後人看

九曲山房為寧波史孝子賦

四明高士好山房
雲磴烟林隔渺茫
小徑到門通窄窄
窄流泉繞壁聽浪浪
幽居宛似清風屋
別墅渾勝勝華子岡
漁入誤迷源口路
樵歸分坐石邊牀
傷烏群集慈親墓
吊鶴雙臨孝子鄉
羊栗早收防歲歉
蘋蘩預採備秋嘗
故交天上青雲遠
高隱山中白日長
林米

夜春催釀酒，松花曉折常。焚香自知栗，里多栽菊誰。
復成都別種桑，念我故園三柳上。幾回落日夢荒涼，
和韻過彭澤懷靖節先生

官船晚泊潯陽郭，把酒長懷靖節賢。腰折竟辭彭澤
米，眉攢寧種遠公蓮。歸來松菊開三迳，老去柴桑受
一廛。晉代衣冠誰避世，劉家社稷自書年。雖云富貴
非吾願，已有清高獨爾傳。千載令人弔遺跡，好山青
立縣門前

射虎行

鄂城之南山有虎為害其威暴甚獵者咸莫

敢搜

王聞之挽弓上馬一發斃之民皆稱慶禦災捍患古
人所重臣職在紀述不敢不書時洪武丙子

仲冬既望也

黃草玄冬多虎踞青山白日少人行

君王勃起英姿奮衛士前驅猛氣橫弓挽蛇皮如月
滿箭飛鷗羽若風生弦開應手神應助鏃貫當心鬼
亦驚腥血濺時班尾折俵魂落處錦毛傾遊兵警衆
銅龍吼歸隊催程鐵馬鳴一路塵埃天已冥千營燈
火夜初明從今境內無驚擾犬豕村村樂太平

評曰

除害衛生寫出仁者之勇
可見筆鋒與矢鏃爭銳矣

敬和畫碧桃詩韻

風流畫史惜年光寫出宮桃異眾芳
深淺舊紅渾改色輕盈新碧倍生香
佳人金谷顏如雪阿母瑤池髮已霜
不與杏花爭艷冶肯隨柳絮效顛狂
靚粧始射花鈿小緩步飛瓊玉珮長
勾引泥鶯窺翠幙留連戲蝶繞華堂
題詩細詠情何極呼酒相看醉不妨
帶露一枝尤瑩潔絕勝湯餅試何郎

評曰

詠物詩形容精緻至此非自家
筆頭上有五色花者不能也

...

...

...

...

...

...

...

...

...

蚓竅集卷八

雲間管時敏撰

西域丁鶴年評

七言絕句

脩竹芙蓉

水僊小隊自成雙
裊裊霓旌引翠幢
一夜湘君頭盡白
西風離思滿秋江

題玄真詩意圖

千峰雲氣涌如泉
遠樹微茫斷復連
祇有大夫橋下路
青山都屬釣魚船

畫扇

南州六月喝欲死一見新圖眼遽明
何處長林雙樹下矮牀茅屋聽秋聲

題秋江漁釣

蘼葭霜落水無埃野艇維堤晚未開
為愛青山不歸去橋頭遮莫大夫來

題倪元鎮先生小景

湖上相逢記昔年風姿曄曄似神仙
如今看盡渾疑夢春樹雲林一惘然

先生自號雲林生

墨梅花

武陵仙子絳綃裳。愛向春風試艷粧。一自別來顏色改。可堪憔悴見劉郎。

墨竹

喚取官奴秉燭人。鞿材休惜為傳神。不知誰鼓湘靈瑟。千里秋風別恨新。

題僧翠竹蘭若

斗室秋陰不受塵。箇中只許著閒人。欲知一體俱無象。莫認青青是法身。

評曰

語有悟入

贈別

草色青青漢水新，異鄉聽雨怕逢春。
客懷不是今年惡，頻向東風送故人。

題中書舍人朱孟辯墨竹

楚楚郎官玉雪溫，朝回緩步出

金門，揮毫寫得縣崖竹，都是中天雨露痕。

侍從如

京道經廬州，見桂花

山路秋花若箇栽，天香遠逐馬頭來。
中官折入君王手，不負西風一度開。

贈洪山霖藏主

上人典藏東巖閣。閱盡西來貝葉書。秋水蓮花千百億。一蓮花上一真如。

送聞侍者遊方

習得僧儀已絕群。龍門宗旨更多聞。飄然一錫諸方去。踏遍青山萬里雲。

侍者龍門高第

叅侍征南道中

一溪水清石可數。千峰雨來雲亂行。馬蹄踏踏秋風裏。無數好詩吟未成。

竹寨驛前山水清。官船夜泊近行營。客程一月秋陰裏。誤聽湍聲作雨聲。

秋行一月多逢雨路入南荒總是山烟火人家何處
覓鷓鴣啼在石林間

書松雪翁墨蹟後

吳興翰墨人間少白璧黃金價盡低今日鷗波亭下
路王孫何處草萋萋

詠菊八首

花神百斛釀秋香滿注流霞九醞觴今節無如天上
好願稱千壽慶重陽

右紫霞觴

黃金地上有名花開向千秋富貴家不比壽安紅與
紫紛紛只解競春華

右黃牡丹

越娘初試素羅裳，愛向秋風學靚粧。
一夜不勝瓊珮冷，晚香亭館有新霜。
右白西施

盈盈宮額半塗黃，不減花前舊樣粧。
笑殺阿嬌金屋貯，香衾寒怯夜來霜。

右黃西施

不逐春紅淺，復深千枝小。朶爛於金，若教開作翻堦。

艷辜負風霜百煉心。

右金芍藥

秋水池頭看鬪鵝，霜毛零落粉香多。
不知滿地誰收拾，剪作寒花照碧波。

右剪鵝毛

一簇奇花上苑栽，綵雲堆滿碎寒臺。
應將重價論千餅，買斷秋光二色開。

右紫金團

花比宮袍一色黃上林開處占中央臨軒長荷

君王賞帶得天家雨露香

右御袍黃

紀夢

小宴初闌罷玉笙東風庭院好春情流鶯啼過樓東
去一樹梨花正晚晴

過應山縣

百里郵亭路更遙馬頭黃葉亂飄蕭兵餘何處尋遺
跡千古清風渡蟻橋

題米南宮畫

碧樹濛濛雨氣含亂山重疊大江南短橋何處人家

近多是當年海嶽庵

題墨梅送弟同生迴泐無憶兄勉翁

汝初髻亂我離鄉今日驚看過我長老去可堪為汝
別楚雲吳樹鴈行行

歸去看花似見兄碧雲紅葉暮山橫東派黃鶴磯頭
水不盡秋風送弟情

大兄一別經三載昏眼裁書兩淚含為說白頭千里
外時時心在紫芝庵

先隴也

京中懷季翔

百壺佳醞透隣香出水新魚滿尺長阿母微醺孫在

抱芙蓉湖上好秋光

官柳烏啼曙色催滿衣風露早朝迴歸期想在重陽
後為報黃花緩緩開

夢成

大溪溪上清風屋小草幽花分外香白鶴一羣飛不
定萬株松下讀書牀

題鄉友胡士文所藏小景

十年不見故園春盡裏題詩半古人老去風流渾減
盡東風花鳥易傷神

鄉友顧謹中以山水圖題詩見寄依韻答之

九點吳山夢裏青
遠烟疎樹晚冥冥
何時買得螭頭舫
秋水菱歌泖上聽

牧牛圖

四海熙熙大有年
青山牛牧夕陽前
誰知六國黃金印
不及秋風二頃田

江夏奚翁自號竹隱
既歿其子瑄寫竹隱圖以寓孝思
因題二十八字以慰其意

孝感坊中孟氏隣
為親寫竹倍思親
百年霜露淒其意
不獨當時泣笋人

瑄居孟子巷
孝感坊側

評曰

用事親切措辭淳雅諸絕句中此為第一詩

江行

人家近水磨茶香江影船頭古塔長縱有琵琶舊時
月肯將清淚落尋陽

千里江行快雪晴白銀為海玉為城舵樓高處看山
興又比常時分外清

催舟三日鼓鼙鼙千里江程百丈中兩岸青山看不
盡此行未厭石尤風

三江風起白鷗飛遠水征帆一片歸恠底黃塵浣吾
足白頭未得上漁磯

枕上

卧病兼旬不下牀小庭花落燕飛忙禁中文墨如山
積不道閒時日許長

一簾飛絮晚悠悠春去光陰肯暫留可恠飛來雙燕
子替人閑說許多愁

養鴨

一羣花鴨東湖上朝放春波晚自來添得癡兒書懶
讀持竿一日看千迴

季翔小疾在告聞編所作因寄一絕

花竹林樵筆硯清初秋一雨便涼生錦囊平澹詩千

首近日新編幾卷成

季翔有詩
名平澹集

題唐馬圖

立仗纔迴脫錦韉，奚官騎出飲清泉。
明朝若從長楊獵，應試君王七寶鞭。

題寧波樂節婦卷

其夫觀儻船溺死

歲俗難船渡，未休孤燈白髮幾。
多愁至今九泱江頭水，不盡當年妾淚流。

出郭

二月東風雨脚頻，杏花消息未全真。
今朝出郭看晴景，野色江光總是春。

和鶴年先生訪補衲和尚詩

禁中文墨山

半霄峰頂擁丹霞兩策登登豈憚賒老衲倒穿迎戶
外山禽啼上石楠花

丁丑七月叅侍舟中

水邊踈草度螢光天際微雲過鴈行坐待海風吹月
上舵樓高處不勝涼

夜雨前山曉未開午潮孤渚晚初迴東風不住吹三
日無數江帆出夾來

蘋末涼風起白波一生情事負漁蓑老來偶得看山
便日日江行不厭多

寄陸伴讀闈

朝迴不放寸陰閒十日工夫畫一山
我有越箋光若練待渠清暇寫荆關
南軒瀟灑紙牕明曲几方牀事事清
暇日相過不騎馬幅巾野服杖藜行

題畫

我家住在澱湖東風景依稀似畫中
白首曳裾歸未得鷗波千頃屬漁翁

黃州畫史王炳文自號臨臯漁隱

短棹煙波學釣徒秋風舉網得鮮鱸
幾時說與吾鄉味為寫坡仙赤壁圖

題寧波胡公雪巢

虛白巢中徹夜明
寥寥孤鶴夢難成
竹爐火暖茶香裏
人比梅花更自清

江夏奚瑛以進士出宰武城其兄瑄作鵠山秋思圖寄之索題爲賦絕句一首

每懷難弟有難兄
貌得家莊寄武城
千里鵠山秋色裏
異鄉多少故鄉情

荅僧南洲寫梅見寄

廿年不見老花光
寫得繁枝遠寄將
一自斷橋相別後
暗香幾度月昏黃

龍門寺裏梅千樹開遍山南水北莊今日老禪頭已
白寫來無色更無香

題吳教授所藏郭奉祠子虛墨梅

郎官遠寄一枝春寫得冰花箇箇真黃鶴山房明月

夜暗香疎影屬詩人

羅浮道士是前身愛寫江南雪裏春今日香魂招不

得看花一度一傷神

子虛已歿初為黃冠

題陸二閻墨梅

青禽枝上月如霜夢覺羅浮欲斷腸却憶故園池館

裏看花一月不燒香

題銷寒梅圖

日影纔將一線加，綵毫呵凍染冰葩。
直教消盡南枝雪，却向春風看杏華。

題奚瑛鵠山書屋

黃鵠山家城裏居，一城金帛走商車。
老夫獨數賢兄弟，閉戶齏鹽讀父書。

書山谷道人詩帖後

詩因得法能追杜，書自名時已配蘇。
今日尚餘真蹟在，月明滄海見珊瑚。

雲林先生小景為李至剛叅議題

故家池館錫山阿門迺寧容俗士過清閔閣空詩社

散蛛絲牕戶落花多

清閔閣先生藏書畫之所落花蛛網先生詩會中題也

吳農四時歌

家有田廬泖水東門前九朵翠芙蓉隣翁報我田官

至明日花朝候勸農

浜北浜南雨一犁陰陰桑柘鶉鳩啼木龍閣掛茅簷

下百畝新秧已插齊

種得紅芒與白秬五風十雨似堯年高田無旱低無

潦多辦今年賽社錢

東隣社鼓接西隣酒滿槽頭稻滿囷官稅已輸私債

辨白頭甘作太平民
新室中益懋事
墓後其子聞來

太白題葛稚川移家圖

遠從勾漏覓丹砂
服食長年鬢不華
從此上昇當拔宅
何勞跋涉又移家

彈琴小景

自曳長裾兩鬢斑
久忘流水與高山
而今重理絃中操
天賜殘年半日閑

題鄞江蔡胄松牕讀書圖

門外黃塵隘客車
林中白日靜吾廬
一牕松影清風裏
讀盡家傳萬卷書

嘗榴

錦苞擘破萬星攢
顆顆紅堆碼碯盤
若得美人纖手
送尊前一洗腐儒酸

嘗柑

牙盤滿貯洞庭霜
入爪霏霏細霧黃
老去風流渾忘却
擘來三日手猶香

題奚瑄雲山佳處

羣峰競秀遶懷家
流水當門石迳斜
閉戶不知春已去
白雲滿地落松花

所撰陸仲益斷事墓銘其子闈求

書于後

平生忠義氣如雲諸子鵝鸞又出群喬木故家今絕
少清風千載玉堂文

森玉軒為醫士徐璉賦

武昌高士能醫俗萬箇琅玕繞舍栽一迳清風容直
造掃門聽我珮聲來

過池陽

青山靡靡過池陽秋水蒹葭露已霜文選臺荒千載
後西風吹雨墨猶香

錢家灣夜泊

千里江程百丈中，磯頭日日浪掀空。
客杯易醒愁難寐，半夜推篷數問風。

夜泊夔港

去去歸程汭急流，打頭風起又維舟。
不因采石千巖酒，那解青山萬古愁。

晚宿盤塘

旅行今夜宿盤塘，江路無如此驛長。
詩句到家吟未了，載將山色上歸航。

次韻青山夜泊

滄江木落水多灣，一月舟中飽看山。
明日到家牽世

務閒情猶在白雲間

辛巳中秋

客邊歲月去如流夫婦他鄉共白頭
今夕一杯須盡飲人生能得幾中秋

棄瓢圖

瓢棄後耳繞清寵辱人間總不驚
今日箕山吊陳跡千岩風水自秋聲

題畫

柴門春盡動鷗波樹色山光雨後多
老去無官能自在醉眠江閣聽漁歌

三泖東頭浴鶴灣我家政住水雲間一從失脚黃塵裏不及蕭然此老閒

畫雞

登歲書窓共寂寥幾聽風雨夜蕭蕭曳裾今向

王門老猶賴司晨朔望朝



五七言律至晚唐漸衰靡不可為法人所
共知惟絕句詩至晚唐所作尤為精緻而
者極少宋人不得其門而入元人惟龍麟
范清江虞青城得其三及餘者或日一至
月一至間得之而不純今觀集中諸絕句
詩俱有法度豈非常私淑於三公者乎

蚓竅集卷九

雲間管時敏撰

西域丁鶴年評

六言絕句

墨蘭

青草三間亭下蒼梧二女祠前欲采幽芳寄遠月明

秋水娟娟

楚畹光風曉泛湘臯泣露秋零我欲紉之為佩幽懷

挹此芳馨

題墨梅送友人

黃鶴樓中玉笛看花吹徹春聲一別故人何處江南
月落參橫

應山道中

櫟木千株葉落梅花一樹香來從騎休吹羌管山中
野鶴驚情

此處其卷八

蚓竅集卷十

雲間管時敏撰

西域丁鶴年評

五言絕句

畫菜

白白霜根嫩青青雨甲鮮蒼生無此色四海正豐年

重九呈兄勉翁三首

異鄉重九日難得好懷開細把茱萸酒殷勤勸一杯
千里同為客驚心節序催遙思故園菊今日為誰開
白頭難會面今日况重陽第恨長稱壽年年在異鄉

初度日復呈兄勉翁三首

客裏逢初度艱難老弟兄一杯稱壽酒多少故鄉情
勸酒重持杯杯深喜不辭願將今日意同保百年期
黃花開未了綠酒釀來新頭白能歡聚吾鄉有幾人

送樂長蔣法宏母憂南還

昨日鄉書至萱花悴北堂東風兩行泪逆水到清湘

江行三首

晚過三江口江空水急流船頭燈火起只尺是黃州
野色含江薄沙痕帶水長東風無白浪容易下蘄陽
樹微茫裏江流浩蕩間舵樓烟雨重不見九華山

江霧

著水飛輕雨。隨風灑暗塵。棹歌纔只尺。不見棹歌人。

夜坐

高齋坐來久。中宵月上時。家僮初睡覺。驚報早朝遲。

小景

薄宦鬢成絲。鄉山入夢思。抱琴松下者。政似在家時。

蚓竅集卷十終

跋

右永樂中楚府刻本管時敏蚓竅集十卷半葉十行行二十字詩以古今體類次前後有土風精喜越谿艸堂文水道人諸印審是義門何氏故物卷六第六葉第二十葉義門據別本摹寫持以校四庫全書著錄本實遠出庫本上如卷三從征古州蠻迴途紀驛二十三首此本大題後繫以小題如右發靖州右洪江右安江等皆小題也蓋刊時先詩後題故以右字識之庫本既悉刪右字而原詩序次仍未改於是前首之題未有不誤爲後一首者此一事也卷十重九呈兄勉翁詩此本三首俱全庫本脫第二首又初度日復呈兄勉翁詩三首庫本全脫此外二本詩題亦時有出入如卷五之患足行庫本改作折足行之類未易縷指此二事也提要稱丁鶴年與時敏皆爲楚王所禮

重故并其評語刻之又云時敏又有秋香百詠還鄉紀行見周子治所作全菴記知所據本有評語又有全菴記與此本同然庫本無之者則館臣之過矣此三事也觀於此三事則此本之善不待煩言而解時敏初名訥後以字行華亭人與袁海叟交善俱以詩名洪武九年徵拜楚王府紀善進右長史丁鶴年是時亦客居武昌嘗有詩送時敏云楚王獨數蘇從諫齊士誰過管仲才見海集卷四其推重如此此集亦出鶴年評隲彼二人之交誼可於此覘之矣海寧趙萬里